

衢州文獻集成

「史部」

第
80
冊

衢州文獻集成

黃靈庚 諸葛慧艷

主編

〔史部〕

第
80
冊

國家圖書館出版社

(清)徐名立等修 (清)潘樹棠纂

「光緒」開化縣志十四卷(卷一至九)

清光緒二十四年(1898)刻本

「光緒」開化縣志十四卷 提要

清徐名立等修，清潘樹棠纂。名立號麗亭，江蘇武進人，同治十三年任開化知縣，光緒七年、十一年兩次回任。樹棠字憩南，號西廬，浙江永康人。咸豐十一年拔貢，同治間舉孝廉方正，光緒時欽加內閣中書七品銜。憩南學問博瞻，尤以經學盛名，所著有《古易注》《杜律正蒙》等十餘種，參與修纂《縉雲縣志》《永康縣志》等。此書《重修開化縣志名籍》載，武進徐名立、應城王承初、馬平秦繼武、元和潘紹詮主修，永康潘樹棠纂修。據該書「官師志」，光緒十年、十四年、十五年，湖北應城王承初、廣西馬平秦繼武、江蘇元和潘紹詮先後知開化縣。潘紹詮序曰：「前任麗亭徐君設局，重修司事者邑之紳衿。因經費短絀，停工三年，續捐續刊，遲至十有餘載，而志始告成。」可見此志修纂歷十餘年，經數任知縣遂成。此志十四卷，有疆域志七目、建置志八目、官師志四目、食貨志四目、兵防志二目、選舉志七目、人物志十三目、藝文志十二目、通考志五目，凡九志六十二目。卷首序有潘紹詮「重修開化縣志序」和萬曆壬子以來舊序十三篇，序後爲新舊志「修志名籍」、總目、凡例。較舊志，是編除增補

乾隆乙卯以來事文，亦有不少修改。如舊志繪圖十五，此志存其八，刪去八景圖，增以三書院圖、天童山廟圖，圖說則從略。其「建置志」在雍正舊志基礎上增入城池，下並水利、公署、學校，下入祀典、宗祠、坊表。其「食貨志」增入蠲恤，以述皇恩；「兵防志」增入兵事，以言時變；「藝文志」以有關國計民生及有益風化者編入。其以寺觀、仙釋不入正典，綴於「通考志」之簡末。此書據清光緒二十四年刻本影印。

第八〇冊目錄

〔光緒〕開化縣志十四卷（卷一至九）

（清）徐名立等修（清）潘樹棠纂
清光緒二十四年（1898）刻本

.....

重修開化縣志序

粵自漢書八志續於班昭而陳壽史編
三國即以志名為後世省志郡志邑志
所由仿則志乘之體與史同史固君天
下者之鑑也而省志所臚列可為官一
省者鑑郡志所臚列可為官一郡者鑑

邑志所臚列可為官一邑者鑑皆得以
考證而知所整治焉開邑之志宋元有
無不可攷明萬厯間始編成書踵而修
者五板燬於燹志僅一存其間應刪增
者積有年所不續編之後將何所取鑑
而攷證無從者整治因以不易前任麗

亭徐君設局重修司事者邑之紳衿因
經費短絀停工三年續捐續刊遲至十
有餘載而志始告成證蒞任於今十載
自揣無所擾於斯邑亦自愧無所補於
斯邑凡所歷覽而周知者如山川形勢
鑑諸志而猶夫昔風俗民情亦鑑諸志

而猶夫昔顧何以賢才科第鑑諸志而
昔盛今衰物產資財鑑諸志而昔饒今
絀得毋教養之道猶有關焉不講者乎
蓋嘗取邑志而鑑之考之思所以整治
之以副纂志與修志者之盛心尤願邑
之士民各竭力圖其所以養山田雖瘠

勤於農則利自倍焉而漢書食貨志可
與媲美矣各盡心率其所以教鄉學雖
僻敏於學則名自顯焉而漢書藝文志
可與抗衡矣庶幾邑為完善之地而後
志為完善之書豈不大有光於邑乘哉
光緒二十四年歲次戊戌仲春月上澣

知開化縣事元和潘紹詮撰



開化縣志卷首

舊序

開化壤地僻小介在叢山之中層巒疊嶂綿亘盤據灘
高流淺兩山夾之以行暴雨驟漲則衝激奔騰亦地勢
然也自有宋太平興國開闢原之鄉而縣之規模建置
頗稱雄偉爲浙東上游勝地顧田不及山地之十五山
之出息雖可以當穀十分之六七而善種之僅足自給
往年曾罹饑寇民甚苦之後因塹山爲城臨谷爲池四
境獲安惟是兵燹之後斯民爲不靖之徒所煽而頑梗
譎詐習與性成將欲默率潛移誠非朝夕之故邇來景

開化縣志 卷一
態風物稍已改觀庠校中頗相淬勵今軒舉於戊子科者雖僅有一然發軔之後彬彬向盛可翹足待矣治開之吏與開之輿圖民之性習水土之品彙載在舊志者略可考鏡而故典多逸新事未錄者且數十年於茲脩之不可以已也應望承乏茲邑因與邑中紳士上稽列星下察地輿中紀王章旁搜物情民之自觀與上之觀民交相發越則斯誌也固上下之軌物而化理之機衡也誌成將梓之以備觀風之采姑次其顛末以俟匠心之手而弁之

萬曆戊子知開化縣事汪應望書

舊序

誌昉於史傳所以載沿革而資考鏡厥係綦重第時移
事易俛仰之間頓成今昔厯禩久而編摩弗繼後有載
筆者起無從稽往而紹來識者憾焉開於浙爲上游山
川風物之盛賢哲鍾孕之奇舊誌詳哉言之重脩於萬
厯戊子紀述益備已而復事增脩起辛丑而上接戊子
則豫章汪謚兩侯實先後之表章之力已勤矣不佞承
乏茲邑距辛丑之役又若干歲其間科貢之繼起宦蹟
之踵至者又若而人不佞恐其久而軼也爰集文學葉
生日觀施生衍慶等授簡而編纂焉上以成豫章兩侯

之美而下以俟博雅之君子蒐輯以彙其全者無所憂
於遺漏是編詎無補哉抑又聞之前事不忘後事之師
也試披誌而吏治之隆污時變之升降犁然可睹雖曠
代而如新則衮鉞之義尙有史氏遺意焉後之覽者亦
將有感於斯乎

萬厯丙午知開化縣事蘇 珪題

舊序

環開皆山也枕鍾阜面鳳皇肘金錢腋臥佛與夫金溪
兩源之襟帶人物千秋之鑑衡風習壤奠之孕毓業已
臚列前志矣復何庸贅但藩初隸仕版卽蒞茲土循例
登城一眺見城垣之式廓雉堞之崔嵬問誰爲爲之左
右以王侯對且曰甲子陽侯爲壑藉是城開民幸免其
魚復問誰爲助之左右以傅公對且曰茲城有傅暨臺
捐資千金始克報竣余歎服曰此大有造於開陽者也
惡可無誌及取誌繙閱竟未一載且全書之新頒科甲
之近盛綱目之未張幽微之未聞俱屬罅漏况隸於柯